

## Northwest Outdoor Science School Txoj Kev Npaj Txhawb Nqa Kom Coj Tus Cwj Pwm Zoo

Nyob rau ntawm NWRES Outdoor School, peb tej kev xav tau raug muab sau tseg rau cov me nyuam kawm ntawv rau thaum lub rooj sib tham hauv zej zos uas yuav muaj los txog no. Tej kev xav tau no mas saib raws li **“Peb feem Rs”**; **Kev hwm rau koj tus kheej, Kev hwm rau lwm tus neeg, Kev hwm rau ib puag ncig.** Peb cov tswv cuab lis hauj lwm yuav siv lub tswv yim los saib xyuas cov me nyuam yaus yam ntsiag to, yam coj zoo, thiab yam saib xyuas zoo, muaj kev saib xyuas zoo txog tej xov xwm uas peb hais txog rau ib tug me nyuam kawm ntawv twg los pab kom tau raws li qhov lawv xav tau, xws li tej uas xav tau nyob rau ntawm qhov IEP los sis kev txhawj xeeb, kev nco vaj nco tseg, thiab lwm yam. Peb xav tsim kom ib puag ncig ntawm cov me nyuam kawm ntawv txoj kev taug muaj tej txuj ci ntau yam xws li kev hlub tshua, kev lav ris, kev saib xyuas, thiab kev thov kev pab. **Yog li ntawd, qhov ntawd yog lub luag hauj lwm ntawm txhua Tus Neeg Lis Hauj Lwm thiab Cov Xib Fwb ntawm Outdoor School yuav los muab cov lus xam pom uas zoo thiab txhawb txhawb nqa rau txhua tus me nyuam kawm ntawv.** Thaum nyob rau ntawm Outdoor School, cov xib fwb uas xav pab los sis txhawb nqa rau fab kev pab tham nrog ib tug me nyuam kawm ntawv txog tej cwj pwm uas tsis xav kom muaj kom lawv ywj siab xav los tham tawm rau peb ib tug neeg lis hauj lwm. Cov xib fwb yuav npaj cov lus nug los sis tej kev txhawj xeeb ntsig txog rau tus cwj pwm ntawm peb Cov Thawj Coj Me Nyuam Kawm Ntawv yuav los tham rau Tus Thawj Saib Xyuas ntawm Outdoor School kom sai li sai tau.

**Tej yam xws li nram qab no yog cov kev txhawb nqa uas tej zaum peb cov neeg lis hauj lwm yuav tau muab los siv (sib txuas lus nrog tsev kawm ntawv cov neeg lis hauj lwm) thaum cov me nyuam kawm ntawv tuaj kawm rau tim Outdoor School:**

**Kev Ceeb Toom Lus:** Ib txhia me nyuam kawm ntawv mas tsuas muab lus ceeb toom txog feem xav kom ua tiav ntawm "Peb feem Rs" rau lawv xwb. Thaum ib tug me nyuam kawm ntawv tab tom xaiv yam uas tsis mus raws li “Peb feem Rs”, ces peb yuav hais rau tus me nyuam kawm ntawv no thiab caw kom sawv daws los muab lawv qhov kev npaj sib qhia kom ua tau raws li tej kev xav tau ntawd.

**Kev Sib Tham Txog Kev Koom Tes (Theem Kev Hlub Tshua):** Yog ib tug me nyuam kawm ntawv txiav txim siab ua ntxiv uas tsis hwm rau lawv tus kheej, lwm tus, los sis ib puag ncig ntawd, ces ib tug neeg lis hauj lwm yuav caw sawv daws tuaj sib tham seb vim li cas thiaj li txiav txim siab li ntawd. Peb xav to taub tiag tiag tias **vim li cas** ib tug me nyuam kawm ntawv tus cwj pwm thiaj li tshwm sim li ntawd kom peb tuaj yeem sib koom tes los daws qhov teeb meem no tau. Kev tsom kwm rau qhov kev sib tham no yog tshawb nrhiav lub hauv paus teeb meem, thiab pab tus me nyuam kawm ntawv tsim tej tswv yim txog qhov yuav ua li cas thiaj li yuav ua tiav tau raws li tej lus hais ntawm lawv lub sij hawm uas tseem yuav kawm rau ntawm Outdoor School. Qhov kev sib tham no yuav muaj cov xib fwb los sis Cov Thawj Saib Xyuas Ntawm Tsev Kawm Ntawv nrog.

**Daim Ntawv Pom Zoo:** Feem ntau yuav ua tooj txij nrog qhov Kev Sib Tham Txog Kev Koom Tes thiab nyob rau tim ntsej tim muag rau ntawm Tus Thawj Saib Xyuas Tsev Kawm Ntawv. Yuav tau hais kom tus me nyuam kawm ntawv sau los sis hais kom sau lub hauv paus ntawm qhov teeb meem uas lawv tab tom ntsib thiab pom, thiab sau qee yam tswv yim zoo uas yuav siv rau tej kev xaiv sib txawv ntau yam (xws li kev thov so thaum xeeb txob los sis sab, thov khoom noj ntxiv yog tias tshaib plab, thiab lwm yam). Tus me nyuam kawm ntawv kuj yuav tau sau tej kauj ruam uas yuav ua mus tom ntej yog tias lawv tsis pom zoo ua raws. Yuav muab ib daim ntawv theej ntawm qhov kev pom zoo no rau tus neeg lis hauj lwm tim tsev kawm ntawv.

**Txheej Txhwm Tsim Kho Kom Rov Zoo Los:** Nyob rau kis uas muaj kev puas tsuaj rau lwm tus neeg lawm, kev caw kom sawv daws tuaj sib tham txog kev tsim kho kom rov zoo los mas yeej muaj txiaj ntsig (uas xam tias tus neeg tsim kev puas tsuaj thiab tus neeg uas raug puas tsuaj ob leeg yuav tau los koom). Txheej Xwm Tsim Kho Kom Zoo Los yuav tsom kwm kom txhua tus neeg tawm lus, txhob cuam tshuam, los txhawb kom muaj kev nkag siab thiab sib tsim kho mus rau yam tom ntej.

**Tiv Toj nrog Tsev Neeg:** Cov tsev neeg yuav muaj lub luag hauj lwm tseem ceeb los pab peb ua kom nkag siab tus me nyuam kawm ntawv tus cwj pwm. Pub cov me nyuam kawm ntawv los tham nrog cov neeg hauv lawv tsev neeg txog daim ntawv pom zoo uas lawv tau pom zoo kom pab cov me nyuam kawm ntawv ua raws li lawv qhov kev npaj. Tus Thawj Saib Xyuas Tsev Kawm Ntawv yuav npaj ib lub rooj sib tham nrog cov tsev neeg, cov me nyuam kawm ntawv, thiab cov neeg lis hauj lwm ntawm Outdoor School.

**Muaj tej xwm txheej, tshwj xeeb mas thaum ib tug me nyuam kawm ntawv tus cwj pwm tsis muaj kev nyab xeeb rau lawv tus kheej los sis lwm tus neeg, thaum yuav tau muab kev txiav txim siab rau ib tug me nyuam kawm ntawv tshem tawm ntawm Outdoor School ua ntej thiab yuav rov qab mus tsev. Yuav tau txiav txim siab ua ke nrog tus me nyuam kawm ntawv thiab Tus Thawj Saib Xyuas Tsev Kawm Ntawv, tus me nyuam kawm ntawv tsev neeg, cov xib fwb tim chaw kawm ntawv, thiab tus me nyuam kawm ntawv feem tswj txoj cai tim tsev kawm ntawv.**